



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

Episcopatus de littera C. cap. XXXIX.

**urn:nbn:de:hbz:466:1-38372**

de talento sibi credito fructum centesimum reportans, doctrina, & sanctitate clarus, inter album Sanctorum relatus est. Floruit anno 600. Eius festiuitas nono calendas Martii digno honore recolitur.

*Ipse de se in prologo excerptionum suarum.*

Scriptit S. Gregorio Magistro suo hortante tres libros expositionum ipsius S. Gregorii in obscuriora tam ueteris, quam noui testamenti loca, duos uidelicet de testimoniis ueteris testamenti, & unum de testimoniis noui; hos nuncupauit,

Testimoniorum, lib. 3.

Excusi sunt aliquoties, & nouissimè operibus S. Gregorii, Romæ anno 1590. in folio impressis inserti sunt.

*Brixinenses in Bauaria, sub Saltzburgensi Archiepiscopo.*

D. LAMPERTVS, à Buren monachus Neouurlerensis, & Abbas Genbacensis, à Romano Pontifice episcopus ordinatus, anno 1350. uel circiter, in officio fuit usque ad annum 1363. quo anno iussu Urbani Papæ V. hac sede relicta, ad Spirensis cathedram se transtulit.

*Demochares de sacrif. missæ, tomo 2. cap. 35.*

*Burgenses in Hispania, sub Toletano Archiepiscopo: nunc exempti.*

D. RAMIRVS, Hispanus, Arago Sanctii Aragoniæ Regis filius, monachus primum S. Pontii de Tomeriis in territorio Narbonensi, deinde SS. Facundi & Primitiui Abbas: postea Burgensis episcopus; mox Pompelonensis. exinde Rotæ & Barbastri; ad extremum fratribus defunctis Aragoniæ Rex & Sacerdos, uti produnt ueteres tabulæ mense Octobri data, ubi se Regem & Sacerdotem nominat, in omni uita sua irreprehensibilem se exhibuit. Vixit in hac dignitate anno 1100. *Ioan. Mariana lib. 10. cap. 2. & 15.*

## Episcopatus de littera C.

### Cap. XXXIX.

*Cesar Augustani in Hispania, nulli subiecti; nunc sunt Archiepiscopi.*

S. **I**OANNES, Hispanus, S. Braulii episcopi, & in regimine successoris frater, monachus primum deinde Abbas illius cœnobii in Hispania, quod à S. Aemiliano eius discipulo, hodie, Monasterium S. Aemiliani uocatur, episcopus renunciatus, non minus monastici rigoris obseruator fuit, quam episcopalis muneris, & tandem doctrinæ laude, &

T 3 miracu-

miraculorum gloria, sanctitatisque opinione clarus, migravit in cœlum, circa annum Domini 640. paulo ante uel post; cuius uita conscripta est ab eius fratre & successore S. Braulio, simplici quidem, sed ueraci stylo. S. Ildephonsus de uir. illustribus, cap. 6. & Ambrosius de morales in hist. Hispania lib. 12. cap. 18. qui eius res gestas fusè satis prosequitur.

*Caietani in Campania exempti.*

D. RAINALDVS, monachus Monasterii Casinensis, episcopus ordinatur ab Urbano Papa II. circa annum Domini 1090. Petrus in li. 4. chron. Casinensis. cap. 7.

D. Richardus, monachus Monasterii Casinensis, consecratur à Paschale Papa II. circiter annum Domini 1117. Idem. Petrus lib. 4. cap. 59.

*Calcedonenses in Grecia, sub Constantinopolitano Patriarcha.*

D. MARTINVS Cupperus, Mechliniensis, Belga, Carmelitane primus uinæ cultor, deinde Benedictinæ uindemiator egregius, Abbasque Monasterii Crispiniensis, inter Montes Hannonia, & Valencenas, uir doctus, & uenerandi aspectus, & Archiepiscopi Cameracensis suffraganeus, ætate iam grauis obiit anno Domini 1571. & in cœnobio suo sepultus est. F. Petrus Lucius Belga in bibliotheca Carmelitana.

*Cameracenses & Attrebatenses simul, in Belgio, sub Rhenensi Archiepiscopo.*

25 D. Inguelramus, siue Enguerranus, monachus Corbeie Gallicæ, in episcopum promotus, floruit anno 1010. uel circa. Demochares de sacrif. missæ tomo 2. cap. 15.

26 D. Autbertus, huius nominis secundus, monachus Monasterii Attrebatensis (ut arbitror) S. Vedasti, Inguelramo surrogatus est. Fundator fuit Canoniorum Sancti Autberti Cameraci. Vixit anno 1015. Demochares ibidem.

*Cameracenses solum, sub Remensi: nunc sunt Archiepiscopi.*

36 3. D. ODO, siue Otto, monachus & Abbas Monasterii S. Martini Tornacensis, uir doctus & eruditus, multa ingenii sui monimenta posteris reliquit. Primus fuit qui Canonem Missæ commentarijs illustrarit, Obiit anno Domini 1113. Demochares ibidem. & Trithemius lib. 2. cap. 118. & alij. Scripsit non contemnendæ lectionis opuscula, de quibus extant præcipuè,

Sermones, & Homiliæ ad fratres, lib. 1.

De Incarnatione Domini ad Vuilbodonem monachum, dialogo-

Iogorum, lib. 1.

De villico iniquitatis, lib. 1.

Epistolarum ad diuersos, lib. 1.

In Canonem Missæ, expositio elegantissima, quæ aliquoties excusa, nouissimè in tom. 4. Bibliothecæ SS. Patrum, Margarini de la Bigne, relata est, sub nomine Oddonis Abbat. Cluniacensis, in quo correctione indigere videtur Margarinus. Odo nanque Cluniacensis Abbas de Corpore & Sanguine Domini, nihil aliud composuisse fertur, præter duodecim versus hexametros: nec ab ijs, qui de scriptoribus Ecclesiasticis scripserunt, tale quid in eius lucubrationibus ei tribuitur, sed Odoni episcopo Cameracensi. Versus uero illi Odonis Cluniacensis in bibliotheca nostra S. Benedicti Mantuani per me in quodam ueteri exemplari MS. reperti, ne pereant, hic apponuntur.

*D. Odonis Abbatis de Sacramento corporis & sanguinis Domini, Versus.*

Conuiuas epuli mundos Deus esse superni,

Vt docet & seruis Dominus vestigia lauit.

Muneribus uariis, & pluribus inde reiectis

Fruentum & uinum, cunctis hoc protulit unum.

Hoc sacrat, hoc nimium quod fit breue, quod nimis altum,

Tam modicum sumptum tam facile, atque paratum;

Tam sublime tamen quod totam habeat deitatem.

Sufficit hoc solum mundi purgare piaculum.

Hinc placet hoc munus, quod fit de pluribus unum,

Corpus hinc capiti, caput inde cohæret, & illi;

Hoc genus, hoc unum placet, hoc durabit, in æuum.

Hoc facile est, nitidum, simplex, deitate que plenum.

*Canadenses in Morania, sub Colocensi Archiepiscopo.*

S. GERARDVS de Secretis, Patricius Venetus, monachus Monasterii Beel in Hungaria, ob singularem pietatem episcopus ordinatus, toto regiminis sui tempore, continua uerbi Dei prædicatione multos ab iniquitate, ad pietatem adduxit: sed tandem ab impijs tentus, capitis obruncatione coronam martyrii promeruit anno 1042. die octauo calendæ Octobris. *Tritemius lib. 4. cap. 234. Bonfinius decadis. 2. rerum Hungariæ lib. 1. & 2. & alij.*

*Candidæ Casæ in Scotia, sub Sancti Andreæ Archiepiscopo, siue Massæ Candidæ seu Candidæ casæ, in Anglia, sub Archiepiscopo Eboracensi.*

1 D. Trinuinus, siue Trunuinus, Anglus, monachus Streneshalensis,

T 4

halensis,

halcensis, à Theodoro Archiepiscopo Cantuariensi, anno 678. creatus, & consecratus est episcopus Pictonum, siue Candidæ Casæ, in ciuitate Vuiterna; qui cum aliquot annis, exemplo prius, verbo deinde, uiam salutis suis ouibus demonstrasset, amore solitudinis Prælaturam relinquens, ad Monasterium suum reuersus est, in quo, non sine opinione sanctitatis, migravit ad Dominum. *Trittemius lib. 4. cap. 167.*

4 S. Pethuinus, qui ab aliis uocatur Plechelmus, siue Pechtelmus, monachus Maildubiurbensis, siue Malmesburienensis in Anglia, anno 763. Episcopus renunciatus, annis tredecim in omni sanctitate præfuit, & miraculis clarus in pace quieuit anno 778. Idibus Iulii. Quiescit in Oudenzeel in Flandria. *Trittemius lib. 4. cap. 176. & Matthæus Vuestm. ad annos citatos, de amborum creatione & morte solum: dissentiunt tamen præfatus Trittemius, & Molanus in indiculo de tempore, quo claruisse hic fertur.*

*Carcaſsonenses, in Gallia, sub Narbonensi Archiepiscopo.*

D. GVLIELMVS Loy de Podio, Gallus, monachus Monasterii Cluniacensis, siue ut aliis placet, S. Flori, deinde eiusdem ciuitatis episcopus, decimus, postmodum sede Florensi relicta Carcaſsonensis Prælaturam assumens, ab eadem ad extremum Cardinalatus apicem ascendere meruit sub Gregorio Papa XI. anno 1375. *Demochares tomo 2. cap. 25. de sacrif. missæ: Belforestius, & alii.*

*Carleolenses in Anglia, sub Archiepiscopo Eboracensi.*

I D. AETHELVLFVS, monachus, & Prior, Monasterii S. Oswaldi, à Rege Angliæ Henrico, cuius erat Confessor, creati in illis est Carleoli primus episcopus ann. à Christo nato 1132. Et eo mortuo uidetur sedes illa uacasse usque ad annum 1230. quo Vualterus Mauclerc episcopus ordinatus est. *Matthæus Vuestmon. ad annum 1132.*

*Carnotenses in Gallia, sub Senonensi Archiepiscopo.*

65 D. P E T R V S, monachus & Abbas cœnobii S. Remigii, Rhemis, creatus anno 1180. præfuit annis septem. Obiit anno 1187. *Demochares tomo 2. cap. 18. & Francisc. Belforestius in sua Cosmographia, qui aliquantulum dissentit in ordine Episcoporum.*

82 D. Simon le Maire, monachus & Abbas Maioris Monasterii, ex episcopo Dolense, creatus est Carnotensis anno 1357. anno Episcopatus sui tertio, Christi 1360. diem obiit. *Demochares & Belforestius.*

84 D. Gulielmus de Conaco, siue Chenaco, Gallus, monachus & Abbas

Abbas Monasterii S. Florentii de Sanimurio, creatus anno 1368. præfuit usque ad annum 1371. quo relatus est in purpuratorum numerum à Gregorio Papa XI. *Belforestius ibidem.*

87 D. Ioannes Faber, siue le Feute, Belga Duacensis, monachus Monasterii S. Vedasti Attrebat, DD. Doctor, creatus anno Christi 1379. sedit annos 12. obiitque anno 1392. *Belforestius loco citato. Casinenses, sunt exempti, in Samnio.*

1 D. RAIMUNDVS, Campaniæ, Maritimæque, rector generalis & Comes, deinde monachus Monasterii Casinensis, anno 1323. à Ioanne Papa XXII. factus est primus episcopus S. Germani, siue Casinensis, Abbatiali dignitate in Episcopalem, transmutata: quo in honore fuit annis 15. obiitque anno Domini 1337. die septimo calendis Augusti, Casini sepultus.

8 D. Angelus de Pasta, monachus Casinensis, & octauus Episcopus, creatus anno 1358. sedit annos quatuor; obiitque anno 1361. die tertio idus Aprilis, & sepultus est in Monasterio Montis Casini.

*Horum duorum mentionem facit D. Placidus Romanus Monachus Casinensis, in historia sua Casinensi MS. que asseruatur Casini in Camera R. P. Abbatis.*

*Catalaunenses in Gallia, sub Archiepiscopo Rhemensi.*

D. ACHARIUS, monachus Monasterii Luxouiensis, episcopus electus, quod ore prædicabat, opere prius studebat implere, ne forte, aliis prædicans ipse reprobis efficeretur. Oibus igitur suis in timore Dei præfuit, & non sine opinione sanctitatis in pace quieuit. *Tritemius lib. 4. cap. 241.*

D. Godefridus, monachus & Abbas S. Germani de Pratis, Parisijs, creatus Episcopus, monastica vitæ semper memor, regularem disciplinam ad finem usque indefessè obseruare studuit. Floruit anno . . . . . *Belforestius in catalogo Abbatum S. Germani, in sua Cosmographia.*

*Catanenses in Sicilia, sub Metropolitano Montis Regalis.*

D. Angerius, Siculus Catanensis, monachus & Abbas S. Agathe Catanæ, ab Urbano Papa II. anno 1092. Ecclesiæ Catanensi præpositus, annis plus minus octo, ita laudabiliter præfuit, ut ab eodem postea anno 1099. in Episcopum Agrigentinum meruerit sublimari. *Fazellus de reb. Sic. lib. 20. dec. 2 cap. unico.*

*Cathanesienses in Scotia, sub Archiepiscopo Sancti Andree.*

D. Adam, Scotus, monachus & Abbas Malrosensis, deinde Episcopus Cathanesiensis in Scotia, à quibusdam incolis, subditis suis,  
noctu

noctu grauiter primum vulneratus, deinde in culinam attractus, una cum alio monacho, qui ante eum occisus fuerat, & domo tota combustus est, anno Domini 1222. Hi diligenter conquisiti grauissimo supplicio fuerunt affecti. *Historia rerum Scotticarum lib. 7.*

*Cephaludenses in Sicilia, sub Messanenſi Archiepiscopo.*

D. F. RODERICVS de Vadillo Hispanus, monachus Congregationis Vallisoletanæ, factus episcopus, ob sapientiæ suæ meritum, plebem sibi commissam verbo & exemplo incessanter paut: obiit ab hinc decennio, uel paulo ante. *Iliescas lib. 4. cap. 26.*

*Cestrenses in Anglia, sub Archiepiscopo Cantuariensi.*

3 D. VVALTERVS, monachus, & Prior Dorobernenſis, Rogerio Episcopo successor datus est anno 1146. & præfuit, si recte annorum ratio posita est, usque ad annum 1187. *Matthæus Vuestmon. ad annum 1146.*

8 D. VVALTERVS de Grai, monachus & Prior Dorobernenſis, & Cancellarius Regis, creatus est anno 1210. & quinque annis in regimine uix completis, obiit. *Matthæus ad an. 1212*

*Churenſes, siue Curienses in Germania, sub Moguntino Archiepiscopo.*

32 D. HARTMANNVS, siue Artemannus, Churæ natus, Baro de plana terra, monachus Monasterii Einsidlensis, deinde Abbas Fabarianus, episcopus Churenſis, creatus, aliquot annis laudabiliter ecclesiam suam rexit. Obit anno Domini 1039. *Demochares de sacrificiis tomo 2. cap. 35. & Belforestius, in Cosmographia sua, in catalogo Episcoporum Churenſium.*

34 D. Henricus, monachus Diuitis Augiæ, electus anno 1070. præfuit octo annis; & ad fuit concilio Moguntino; obiit anno 1078. *fidem auctores.*

35 D. Eberhardus, monachus & Abbas Campidonensis, Nordemberto episcopo in Monasterium detruso; & Heriberto ab Imp. Henrico III. de sede deturbato, eligitur Churenſis Corepiscopus potius, quam episcopus, anno 1085. & fuit in ea potestate, usque ad annum 1104. per annos, uidelicet plus minus. 19. Eo enim anno Odalrico episcopo creato, resignare coactus est. *Demochares.*

42 D. Vlricus, siue Vdalricus, Baro à Degerfelden supra Clingenonium, in comitatu Badensi, monachus & Abbas Monasterii S. Galli, cui præfuit annis. 33. creatus est episcopus anno 1174. & cū per octo annos episcopatum rexisset, eundem anno 1181. resignauit, retenta Abbatia suæ possessione. Cogebatur enim ab Alexandro

dro Papa III. qui in Synodo Romæ habita decreuerat; ne quis duas Prælaturas simul haberet, & si quis talis inueniretur, vna sola contentus, alteram resignaret. Tandem senio confectus, etiam Abbatie regimine se abdicauit anno 1199. & plenus dierum in pace quieuit. *Demochares, & Belforestius.*

49 D. Rodolphus, Baro à Gutingen, monachus & Abbas S. Galli, creatus anno Domini 1215. moritur Romæ anno 1226. regiminis sui vndecimo, & in ecclesia Lateranenfi sepultus est. *Auctores præfati.*

51 D. Vltricus, siue Vdaltricus, Comes Chiburgius, Hermanni Frater, monachus Einsfeldensis in Heluetia, electus episcopus anno 1233. quatuor annis in Pontificatu iuxta completis obiit anno 1237. Fundauit hic anno 1230. antequam episcopus crearetur Montem Sanctum, iuxta Vitudurum. *Auctores citati.*

60 D. Hermannus, Baro ab Elscenach & Arbona, monachus Einsfeldensis primum, deinde Abbas Fabarianus, creatus episcopus circa annum Domini 1314. præfuit usque ad annum 1327. *Demochares & Belforestius qui supra.*

*Ciuitates, uel Miluerburgenses, in Misnia, sub Magdeburgensi Archiepiscopo.*

1 S. HVGGO, monachus ordinis Sancti Benedicti, uir apud Deum magni, & excellentis meriti, diuina ordinatione primus Ecclesie Ciuitatis creatus episcopus, ordinatus est ab Adelberto primo Magdeburgensi Archiepiscopo anno Domini 968. & sanctitate clarus obdormiuit, anno Christi 980. regiminis sui anno 12. *D. Paulus Langius monachus Spanheimensis in chronico Ciuitatis: & Petrus Cratop. de episcopis Germanie.*

*Ciuitates, in Tuscia, sub Petri Patrimon. siue in Hispania, sub Compostellano Archiepiscopo.*

D. ANDREAS, Hispanus, monachus ordinis S. Benedicti, ex episcopo Megarense, ad Ciuitatem ecclesiam regendam promotus; ab ea deinde ad Aiatensem transijt, & demum S. R. E. Cardinalis Pœnitentiarius renunciatus est. *Trittemius lib. 4. cap. 43.*

*Claromontani in Gallis sub Archiepiscopo Bituricensi.*

D. Iacobus de Ambasia, Gallus monachus, & Abbas Monasterii SS. Petri & Pauli Cluniacensis, & post episcopus Claromontanus in Aruernia, uir doctus & tanto officio dignus: claruit anno Domini 1507. *Iudocus Clithoneus in epistola ad eundem, præfixa libello de clau-*

*clau-*

clauſtro animæ Gulielmi epiſcopi Pariſienſis.

*Cænomanenſes in Gallia, ſub Archiepiſcopo Turonenſi.*

30 D. VVLGRINVS, monachus Gallus ordinis S. Benedicti, creatus Episcopus anno Domini 1070. ſedit in Episcopatu annos 8. meſes 9. & dies 11. Obiit anno 1079. *Democh. de ſacr. miſſa, tomo 2. c. 23. & Belforeſtius in catalogo epiſcoporum Cænomanenſium Coſmographie ſuæ.*

33 D. Hildebertus, Gallus monachus Cluniaceniſis cœnobii, electus eſt Episcopus anno Domini 1106. & cum annis 29. & meſibus 6. laudabiliter præſuiſſet, ad Eccleſiam Turonenſem tranſijt, in qua doctrina, & deuotione clarus obiit. *Chron. Cluniaceniſe MS.*

*Compoſtellani in Hiſpania, nulli ſubditi; nunc verò Archiepiſcopi.*

8 S. RODOSINDVS, Hiſpanus, Guterrij Comitum, & Aldare filius, monachus monaſterij Cellæ nouæ, quod ipſe proprijs ſumptibus ædificari curarat anno 938. deinde Episcopus Dumienſis, poſt Mondoneti, poſtremo Irienſis ſiue Cōpoſtellanus, in locum Siſnãdi tertij circa annum 964. renunciatus; cum annis tribus eccleſiam illam ſanctiſſimè rexiffet; ab eodem Siſnando deturbatus, ad monaſterium ſuum reuerſus eſt anno 967. in quo primum vitæ monaſticæ cultor exiſtens, poſtmodum Sancto Franquillæ Abbati in regimine ſucceſſit, & tandem miraculis clarus obdormiuit in Domino, anno 977. die Calendarum Martij; & anno 1136. in numerum ſanctorum ab Iacinto Cardinale, Alexandro P. P. III. iubente relatus eſt. *Vaſeus in Chron. Morales lib. 15. c. 29. & lib. 16. c. 16. 30. & 36. & Ioannes Mariana in Annal. Hiſpaniæ, lib. 8. c. 8.* Nonnulla ſcripſiſſe fertur, inter quæ extat Teſtamentum eius, quod adfertur à Morale locis citatis.

10 S. Petrus Monſorius, Hiſpanus, monachus, & Abbas monaſterij quod Ante altaria vocatur, vir ſpectatæ virtutis, & tãtæ ſanctitatis, tamque religioſis ornatus moribus, vt Veremundus Rex eius virtutibus commotus, Compoſtellanæ Eccleſiæ, cui hic Petrus præerat, reſtitui iuſſerit, quæcumque iniuria ſuperiorum temporum erant ablata. Electus eſt, ut vult Mariana, anno Domini 981. in locum Pelagij Velasquij, qui ob impares mores ab Episcopatu pulſus fuerat. Quantum federis non liquet. Obiit doctrina, & ſanctitate clarus, quarto Idus ſeptembris. *Vaſeus in Chron. ad ann. 963. Ioannes Mariana in Annal. Hiſp. lib. 8. cap. 8. & alii.*

D. Petrus alter Hiſpanus, monachus & Abbas Carduiceniſis, ſiue Sancti Petri de Cardena, à Ricardo Abbate S. Victoris Marſiliæ Apo-

Apostolicę sedis legato, & S.R.E. Cardinale, Compostellę Episcopus factus, pro quodam Pelagio, qui ab eodem Ricardo remotus fuerat, pauco tempore pręfuit: litigantibus enim de Episcopatu pręfatis Petro & Pelagio, ambobus remotis, tertius constituitur Dalma- chus Cluniacensis monachus ab Urbano Papa II. anno Dom. 1096. adiuncta eidem Archiepali dignitate, qua tunc usque Compostella caruerat. *Joannes Mariana in Annal. Hispania, lib. 10. c. 6.*

*Constantienses, siue Vindonissenses, sub Moguntino Archiepiscopo.*

11 S. IOANNES, Scotus, discipulus S. Galli Abbatis, primum monachus in Scotia, deinde in Monasterio Sangallensi, electus est episcopus Constantiensis vndecimus, anno Domini 650. & cum per aliquot annos in magna sanctitate pręfuisset, migravit ad Dominum. *Belforestius in Cosmographia. Ant. Demochares de sacrif. missę, tomo 2. cap. 35.*

19 D. Ernfridus, siue Anefridus, monachus & Abbas diuitis Augię, in lacu Veneto, creatus anno 736. pręfuit annis 10. Obiit anno 746. *Demochares, locis citatis, & Hermannus Contractus in Chronico.*

20 D. Sidonius, seu Sidonius, monachus & Abbas diuitis Augię quintus, Ernfrido surrogatus, pręfuit annis 13. Hic Monasterium S. Galli ambiens, iniquis principibus, in damnatione S. Othmari Abbatis consensit. Obiit anno Domini 759. ante altare S. Galli profluvio uentris. *Auctores citati.*

21 D. Ioannes, monachus diuitis Augię, Sidonio repentina morte erepto, episcopatu, & vtrique Abbatie S. Galli, scilicet, & Augię diuitis, pręficitur. Vir fuit eruditione & doctrina clarus, & ecclesiasticarum rerum promotor pręcipuus. Fuit in regimine annis 21. moriensque anno 781. sepultus est in ecclesia Augiensi, in sacello Diuo Chiliano dicato. *Pręfati auctores, & Tritemius, lib. 4. cap. 238.*

23 D. Vvolfolon, monachus Monasterii S. Galli in Heluetia, Eginonis Episcopi prędecessoris sui carne nepos, creatus anno Domini 813. pręfuit annis 18. obiit anno 831. *Demochares loco citato.*

28 D. Salomon, monachus, & Abbas S. Galli, & Ludouici II. Imp. Sacellanus, creatus est Episcopus anno 891. pręfuit annis 29. obiit anno 919. & in ecclesia Cathedrali Constantiensis sepultus est. *Belforestius, & Demochares.*

29 D. Notingus, monachus S. Galli, in locum Salomonis electus, pręfuit annis plus minus 14. obiitque anno 934. in ecclesia Constantiensi

stantiensis sepultus. *Auctores præfati.*

30 S. Conradus, siue Cunradus, Henrici Comitis Altorfensis filius monachus Monasterii S. Galli, siue diuitis Augiæ, Noringo immediate succedens, in omni sanctitate populum sibi commissum gubernauit annos 41. Quo temporis spatio, totus in templorum constructione, uel reparatione fuit. Ter sepulchrum Domini uisitauit: & tandem laboris sui præmium accepit à Domino anno 975. die sexto calendæ Decembris, ad cuius sepulchrum diuinitus olim multa fiebant miracula.

32 S. Gebehardus, siue Eberhardus, Vthonis Comitis Brigantini filius, monachus Sangallensis, siue Augiæ diuitis, anno Domini 979. electus, ecclesiam rexit an. 16. Hic inter cætera pietatis officia quæ operatus est, Monasterium Petershusij S. Gregorii instituti Benedictini propriis sumptibus extruxit, in quo & sepultus est, anno Domini 995. die sexto calendæ Septembris.

ANNOTATIO.

*Horum duorum, & alterius qui sequetur, Virici uidelicet episcopi. 44. monachismus quidem apertis uerbis non explicatur; fuisse tamen Monachos colligere licet ex uerbis Francisci Belforestij, qui in descriptione ciuitatis Constantiensis, sic loquitur.*

*Numerantur autem 83. Episcopi, quos habuit Vindonissa, ac deinde Constantia usque ad tempora nostra, quorum bona pars fuerunt monachi cœnobij S. Galli, & diuitis Augiæ. Anno Dom. 935. S. Conradus Comes Altorfensis factus est Episcopus Constantiensis, contulit que Episcopati omne suum patrimonium. Secundus post ipsum (de grege monachorum scilicet) fuit Gebhardus Comes Brigantinus, ex matris utero casus, qui fundauit Monasterium Benedictinum, in Petershusio, & collegium Canoniorum in Zurzachio. Longe postea fuit alius Episcopus (monachus uidelicet ut ego interpretor) nomine Ulricus Comes à Dillingen, & Kiburg, qui construxit ac dotauit de suo patrimonio, Monasterium Cruzzlingen. Obiit anno 1127. Hæc Belforestius.*

33 D. Lambertus, monachus Monasterii S. Gregorii de Petershusio, S. Gebehardo ad patres adposito, factus est Episcopus anno 996. unanimi omnium uoce electus, & cum annis 13. laudabiliter præfuisse, obiit anno 1009. *Demochares loco citato.*

36 D. Vuarmannus, Comes Dillingensis, & Chiburgius, monachus diuitis Augiæ, creatus anno 1026. præfuit annis. 8. uitæ & honori ualedixit, anno 1034. Constantiæ sepultus. *Demochares ibidè. Scripsit uitâ S. Pirminij Abb. primi fundatoris Monasterii Angiæsis,*

D. Ge-

42 D. Gebhardus, siue Gerhardus, Dux Zeringensis, & monachus Monasterij S. Aurelij Hirsaugiæ, in diœcesi Spirensi, creatus anno 1084. & undecimo calend. Ianuarij ab Ottone Ostiensi Episcopo consecratus, Constantiensis Episcopus, præfuit primum non sine difficultate, annis decem: deinde sede sua pulsus, ab ea exulauit annis tredecim; quam postea auxilio Abbatis Petershusani recepit anno 1107. eamque pacifice rexit annis undecim: Obiit anno Christi 1118. assumpti episcopatus 35. *Demochares ut supra. Tritemius lib. 4. cap. 245. & Bertholdus Constantiensis in appendice ad Contractum ad annum 1084.*

## S C H I S M A.

43 D. ARNVLPHVS, Comes Sancti Montis, Sueuus monachus S. Galli, Gerardo, in exilium relegato, intruditur vi per Abbatem suum Vlrucum, huius nominis tertium, Carinthiæ Ducis filium, anno 1094. & præfuit in schismate annis. 13. Sed ipso Gerardo sedi suæ restituto, abdicare compulsus, ad cœnobium suum reuersus est anno 1107. *Demochares, ut supra.*

44 D. Vlrucus, Comes Dillingensis & Chiburgensis, monachus S. Galli, siue diuitis Augiæ, Gerardo anno 1118. in pace defuncto, in eius locum substitutus, & à Gelasio Papa II. confirmatus, consecrationem accepit ab Archiepiscopo Mediolanensi. Postmodum, à Calisto Papa II. procurauit in album Sanctorum referri S. Cunradū Episcopum, anno 1120. cum iam ille 144. annis quieuisset sub terra. Obiit tandem anno 1127. regiminis sui 10. Constantiæ in cathedrali sepultus. *Ex coniectura uerborum Belforesii supra citatorum.*

45 D. Vlrucus, Baro de Castillis, monachus Monasterii S. Blasij in Silua Hercynia, vnanimi Canonicorum consensu dignus pronunciatu qui Vlrico succederet, præfuit annis undecim; sed curæ pastoralis pertæsus, honori & episcopatu cessit libere, & ad suum Monasterium rediit anno 1138. *Demochares, loco sepe citato.*

50 D. Dietheluuus, Baro de Vuylsemburg, monachus & Abbas Augiensis, creatus anno 1191. præfuit annis 12. obiit anno 1204. *Demochares.*

64 D. Henricus, huius nominis tertius, Baro à Brandis, monachus & Abbas Enilsildensis; corruptione creatus, consecratus est, anno 1356. die 15. Maii. præfuit annis 26. omnibus ingratus & inuisus, obiit anno 1383. apud Chingenouum die 22. Nouembris, Constantiæ in cathedrali sepultus. *Demochares.*

## S C H I S M A.

65 D. MANGOLDVS, Baro à Brandis, superioris Henrici nepos, monachus & Abbas diuitis Augiæ, anno 1384. die 27. Ianuarii à nouem Canonicis electus, & ab Adolpho Archiepiscopo Moguntino confirmatus, præfuit in schismate contra Nicolaum à Rylemburg à Summo Pontifice approbatum, anno uno, & diebus 8. Obiit anno 1385. die tertio Februarii. *Demochares, ut supra.*

## ANNOTATIO.

*In computatione annorum tam creationis, quam mortis, huius sedis Episcoporum, diuersa à diuersis adferuntur sententiæ: Aliter enim Demochares, quam Belforestius, nec his duobus Hermannus Contractus in chronico, in omnibus consentit. Nos opinionibus omnium rite consideratis, Hermannum quidem, qui illis temporibus uixit, præferendum duximus, ita tamen ut ab eius quoque sententia libenter discessimus, cum aliorum opiniones probabiliores nobis uiderentur. Et si aliquando, id quod rarius, nec unum, nec alium sequimur, hoc ex aliorum historicorum fide ignorum, ut sunt Bertholdus Constantiensis, Trittenius, & alij, opinione factum est: qui ut plurimum præfentes cum fuisse uideantur actionibus à se enarratis, eorum relationibus adherendum iudicauimus. Si quid tamen male positum fuerit, Lector diligens suppleat.*

*Constantienses in Normandia, sub Rothomagensi Archiepiscopo:*

70 D. RENATVS de la Bresche, monachus ordinis S. Benedicti, septuagesimus Constantiensis Episcopus creatus circa annum Domini 1518. obiit anno 1530.

71 D. Philippus de Cossé, monachus eiusdem ordinis, in locum Renati positus, aliquot annis laudabiliter præfuit. *De his duobus agit Demochares de sacrif. Missæ to. 2. c. 20. & Frac. Belfor. in cosmographia sua.*

*Cordubenses in Hispania, sub Compostellano Archiepiscopo, siue sub Vlixponensi.*

D. Agapetus, melius Agapius ex milite prophano, monachus, de inde, Episcopus Cordubensis, reuelatione diuina inuenit corpus S. Zoili martyris Cordubensis, anno 618. quod solenni pompa, comitante clero ac populo, transtulit in ecclesiam S. Felicis. Vir fuit simplex, interfuitque concilio Hispalensi secundo. *Io. Vases in chronico.*

*Cuuerenses, siue Conuernienses in Hibernia, sub Armacano Archiepiscopo.*

D. ADAM, monachus & Abbas monasterij Vuardoniensis, Episcopus Cuuerensis, anno Domini 1244. in monasterio suo Vuardon. diem extremum clausit. *Mattheus Vuestm. ad annum 1244.*

Episco-